

山帶閣注楚辭

錢玄同題

上海圖書館藏

楚辭卷三

蔣驥註

天問

舊序云。原放逐山澤。見楚先王廟及公卿祠堂。圖
畫天地神靈。古聖賢怪物行事。呵而問之。以滌憤
懣。其言是矣。又云。原辭止書於壁。而楚人論述成
篇。則未必然。

曰。遂古之初。誰傳道之。

遂。往也。周禮訓方氏。訓四方之傳道。道。言也。世多言
渾沌未分時事者。故首舉爲問。

上下未形何繇考之。

上下謂天地。廣雅太初生於酉仲。清濁未分也。太始生於戌仲。清者爲精。濁者爲形也。太素生於亥仲。已有素朴而未散也。至於子仲。剖判分離。輕清者上爲天。重濁者下爲地。邵子經世。天開於子。地闢於丑。人生於寅。問人生則有天地矣。何由知有天地未形之時乎。

冥昭瞢

夢闇誰能極之。

冥昭晝夜也。曹闇見周禮十輝。冥昭瞢闇。指晝夜未分時言。淮南子云。未有天地。窈窈冥冥。極窮也。問人

生則有晝夜矣。何由知有晝夜未分之時乎。

馮憑翼惟像。何以識之。

馮翼。綢繆浮動之意。淮南子云。天地未分。馮馮翼翼。又曰。未有天地。惟像無形。此問何由知其狀乎。按宋胡五峰曰。一氣大息。震蕩無垠。海宇變動。舊跡全滅。是謂洪荒之世。明章本清云。天地無終始。特有一明一暗耳。戊亥之時。純陰無陽。日月晦黑。萬物不生。然天地形質。未嘗敗壞。至子時陽生。而天復開。此昔人論渾沌異同之大槩也。

明明闇闇。惟時何爲。

明明明而又明。闇闇闇而又闇。猶言日夜相代也。時是也。何爲言孰主其事也。大荒東經。月母之國。有人名彘處東極以止日月。司其短長。歸藏。空桑之蒼蒼。八極之旣張。乃有羲和。是主日月。職出入以爲晦明。陰陽三合。何本何化。

穀梁傳云。獨陽不生。獨陰不生。獨天不生。三合然後生。按天者。理而已矣。本者。化之原。化者。本之發。又素問云。陰陽者。變化之父母。生殺之本始。三陰三陽。三合爲治。厥陰風氣主之。少陰熱氣主之。太陰濕氣主之。少陽相火主之。陽明燥火主之。太陽寒氣主之。此

亦一說。此上皆問造化以前之事。

圜則九重。

平聲

孰營度

入聲

之。惟茲何功。孰初作之。

圜指天形。則法也。孰營言誰爲經始也。何功言誰爲

致力也。初作謂於何重而首事也。方密之通雅云。太

元經九天。曰中天。羨天。從天。更天。晬天。廓天。咸天。沈

天。成天。此虛立九名耳。吳草廬始謂天體寔九層。至

利山人入中國而暢言之。自地而上爲月天。水天。金

天。日天。火天。木天。土天。恒星天。至第一層爲宗動天。

九層堅寔相包。如葱頭也。按此說與朱子精氣旋轉

之說乖異。徐文長青藤路史亦云。天本堅牢之物。故

星隕爲石。非至地始化也。其旨畧同。

幹

骨死切

維焉

煙篇內不在句末者並做此

繫天極焉加。

幹車轂之內以金爲筦而受軸者維繫物之縻天極南北極也。北極五星在紫微垣出地三十六度其近北一星爲天樞紐星居所不移南極入地三十六度常隱不見天體繞極旋轉而極星不移譬則車之軸也。凡轂必有所繫然後軸有所加故問天之幹維繫於何處而天極之軸何所加乎。

八柱何當東南何虧。

章句天有八山爲柱余意即淮南子所謂八極也東

北方土山。東。東極山。東南。波母山。南。南極山。西南。編
駒山。西。西極山。西北。不周山。北。北極山。當值虧陷也。
淮南子。地不滿東南。故水潦塵埃歸焉。問天有八柱
承之。其柱何所當值乎。東南亦有柱。又何云虧陷乎。
九天之際。安放上聲安屬。燭隅限多有。誰知其數。

際。邊放。至。屬。附。隈。涯也。圖書編。天周一百七十萬二
千一百十三里。續博物志。天周一百七萬九百一千
三里。廣雅。天周六億十萬七百里。二十五步。周髀算
經。日光四極。周二百四十三萬里。淮南子。天有九野。
九千九百九十九隅。

天何所沓。十二焉分。

沓。雜也。合也。天何所沓。指日月星之雜合言。作曆者必推上元至朔均齊。並無餘分。而又歲月日時。適會甲子。以爲布算之始。是時日月如合璧。五星如聯珠。俱沓合於子。所謂曆元也。漢太初曆四千六百十七年爲一元。唐大衍曆四千五百六十年爲一元。十二自子至亥十二辰也。曆家以二十八宿分天體爲十二辰。一歲日月十二會焉。如十一月辰在星紀。十二月辰在元枵之類。日月星麗乎天。有總會者。以爲曆數之元。有常會者。以爲歲月之紀。故承天體以立問。

而下遂及日月列星也。

日月安屬。燭列星安厠。

問日有中道。月有九行。誰爲附屬乎。列星有躔度。分野動定之不齊。又誰爲排列乎。

出自湯

陽

谷。次於蒙汜。

寺上聲

自明及晦。所行幾里。

此言日也。次。舍也。汜。水涯。山海經。湯谷在黑齒國北。以谷中水熱而名。即虞書暘谷也。爾雅。日所入爲大蒙。渾天儀。日一晝夜行周天赤道一百七萬四千里。淮南子。日出暘谷。至蒙水之浦。凡九州七舍。有五億萬七千三百九里。周髀算經。夏至日運內衡。周七十

一萬四千里。冬至往。外衡。周百四十二萬八千里。春秋分在內外衡之間。周一百七萬一千里。

夜光何德。死則又育。厥利維何。而顧菟兔在腹。

夜光月也。按釋名云。朔。蘓也。晦。灰也。即死育之意。靈憲曰。月者。陰精之宗。積而成獸。象菟。顧。眷戀也。言月

何利於兔。而常繫於腹乎。又埤雅云。天下兔皆雌。惟

顧兔爲雄。故皆望之以亶氣。是以顧兔爲月兔之名。

矣。按顧兔在腹。指月中微黑處。說者謂是地之影。蘇

子瞻詩。九州居月中。有似蛇蟠鏡。妄言桂兔墓。俗語

皆可屏。是也。又西域傳。汎際云。月體中虛寔不一。寔

故受日光。虛則光出不返。所以闇影斑駁也。倪綏甫云。月中黑闇。乃本體渣滓。不受日彩。或謂外入之影。則月有高下東西。影當有變。何以隨在不殊乎。二說與前又各不同。

女岐無合夫

扶篇內自妖夫外並倣此

焉取九子。伯強何處。惠氣安在。

女岐神女。無夫而生九子。伯強。周孟侯註。禺強也。山海經。北方禺強。人面鳥身。珥兩青蛇。踐兩黃蛇。女岐。伯強皆天神也。惠氣。瑞氣也。荊州占。一曰卿雲似雲。非雲。紛郁輪囷。二曰歸邪。赤彗上向。有蓋下連。三曰昌光。赤如龍狀。皆堂中所繪。而附於天者。故言天而

類及之。

何闔而晦。何開而明。

按晦明無常。以日之出沒不齊故耳。北地骨利幹夜短。晝長。羊脾未熟而曉。西徼莫斯哥夜長。晝短。冬至日止二時。鐵勒之國無夜。河婁之國無日。兩極之中四時晝夜常平。兩極之下半年晝。半年夜。方密之物理小識云。地相去四萬五千里。則東爲午。西爲子。普天下時。曉時。昏時。午時。夜何閤闕之可定哉。若稽神錄。葬丹地正晝忽冥。名筮却之日。與地志萊子國夜半日出。立不夜之城。此或謬悠之談。未足深信也。

角宿

切音易

未旦。曜靈安城。

藏同

角東方之宿。朱子云。角宿隨天運轉。不常在東。此蓋借以言東方也。余按言天文者。數起角亢。列宿之長。或亦舉首以槩其餘耳。曜靈日也。光曜而有神靈故名。此以上皆問天之事。自古言天者多矣。天如蓋笠。地如覆盆。皆中高外隕。北極居天頂中。日月繞地腰匝行。而四方晝夜因之相易。此周髀之說也。而釋典所謂四大天下環須彌山。意亦相似。天了無質。仰瞻無極。故蒼蒼然。日月列星。浮生虛空。須氣而行。故逝止疾徐。任情無定。此宣夜之說也。天包地外。如卵

裹黃。圓如彈丸。南北極斜持兩端。而天與七曜繞地側轉。日出地而明。入地而晦。此渾天之說也。天圓九重。皮皆堅硬。日月列星如木節在板。各居一重。繞地而運。以天體明無色。故其光通透如琉璃。此大西之說也。外有吳姚信之軒天。晉虞喜之安天。虞聳之穹天。其說紛綸。不可究詰。朱子論天體主渾天。而言天有氣無形。日月列星乃氣之精光。自然發越。初無營作。繫加際隈。屬陳之可言。則與宣夜之旨相符。然他日復云。天應有軀殼甚厚。則又自戾其說矣。黃帝書言水寔浮天。而朱子云天外無水。又朱子取沈存中

筆談之說。謂月本無光。曜日而明。而史文璣云。月體如鏡。面光背暗。其近日遠日而光有虧盈者。蓋常面日而不敢背也。世無凌雲御風之人。誰與正之哉。余備列其說。亦多聞闕疑之意也。

不任汨

骨

鴻。師何以尚之。僉曰。何憂。何不課而行之。

莊子郭註。回洑而涌波者。汨也。汨鴻。言湧溢爲鴻水也。不任。猶言不能當也。指鮌言。師衆尚舉也。事詳堯典。不課而行。謂衆人第曰試可。而堯遂任之九載也。鴟龜曳銜。鯀何聽焉。順欲成功。帝何刑焉。

鴟龜曳銜。周孟侯云。鯀障水法也。蓋觀鴟龜曳尾相